



Inatsisartunut ilaasortaq,
Jens Napātōk
Naleraq
Maani/

Pisassiissutit amerlassusaat pillugu § 37 naapertorlugu apeqqummut nr. 203 – 2024-mut akissut

Inatsisartut suleriaasianni § 37, imm. 1 naapertorlugu nammineq kajumissutsimik PNNP-mi *pisassiissutit amerlassusaat pillugit Naalakkersuisunut apeqquteqarputit*. Apeqqut suliassaqarfigisannit akineqartussanngorlugu innersuunneqarnikuuvoq.

Ulloq: 10-09-2024
Suliap normua: 2024 - 17219
All. nr. 24537428

Postboks 269
3900 Nuuk
Oqarasuaat (+299) 34 50 00
Fax (+299) 34 63 55
Mail: apn@nanoq.gl
www.naalakkersuisut.gl

1. Aalisarnermut inatsisissaq nutaaq naapertorlugu, sinerissap qanittuani immikkoortoq 47-mi qaleralinnik inuussutissarsiorlutik aalisartut, pisassiissutit niuerutigineqarsinnaasut nammineq pigisanut (PNNP) nuunnerminni, ukiuni tallimani (5) kingullerni, ukiut aalisarnerpaaffigisimasat pingasuni (3) pisarisimasaat (tons/kg) najoqqutareqqissaarlugit pisassiissutissaminnik pisinnaatitaassappat? Oqimaassuserpiaa (tons/kg) atuutsinneqarnersoq akissutigeqquneqarpoq.

1-mut) PNNP-mut ikaarsaarnissaq pillugu aalisartunut qinnuteqartunut amerlassutsit tunniunneqartut taakkua pisassiissutit pigisaat kiisalu ukiumut TAC aalajangersarneqartoq apeqqutaassapput. Taamaattumik amerlassutsit ukiumiit ukiumut assigiinneq ajorput, TAC aammalulu pisassiissutinik pigisanik pisinnaaneq apeqqutaavoq.

Ukiuni tallimani kingullerni, ukiut pingasut aalisarnerpaaffigisimasat tunngavigalugit naatsorsuineq sularineqartoq, aalisartumut pisassiissutinik pigisanit inerneqassaaq, imaappoq pisassiissutinit pigisat aalisartup pigisai. Ukiut pingasut piniarfiulluarnerpaasut agguaqatigiisinnerat naatsorsuinnermut tunngaviuvoq. 2025-mut TAC aalajangersarneqarpat aalisartup pisassiissutit pigisai tunngavigalugit amerlassutsit tunniunneqartut naatsorsorneqarsinnaapput. Amerlassutsit tonsinngorlugit tunniunneqartarput.

2. Uumap allakkap matumuuna ingerlateqqinneraniit, Naalakkersuisut pisortaqarfiilu inuussutissarsiutigalugu aalisartunut immikkoortoq 47-imi pisarisimagalukkat tons/kg sanilliullugit pissarsiarisinnaasaaniit pisassiissutinik annikinnerusunik agguaassisoqalereernikuua? Pisassiissutit agguanneqarsimasuni oqimaassuserpiai assigiinngissuteqarsimanersut uani ersarissummik akeqquneqarpoq.

2-mut) Angallatinut sumiiffimmi 47-mi PNNP-nik pigisaqareersunut allannguuteqartoqassanngilaq, taamaalillutik pisassissutinik namminneq pigisaqareerlutik. TAC aalajangersarneqariarpat 2025-mut pisassiissutinik tunniussisoqassaaq.

Umiatsiaaqqanut pisassiissutinik suli agguaassisoqanngilaq. 1. januar 2025-miit nammineq kajumissutsimik PNNP-mut ikaarsaarnissamut piffissarititaq qinnuteqarfissaq, ulloq 15. oktober 2024-mut aalajangerneqarpoq. Tamatuma kingorna qinnuteqartunut

ataasiakkaanut pisassiissutit pigisat naatsorsorneqarnerat aallartissaaq. Qinnuteqartunut tamanut naatsorsuinerit naammassineqarpata, qinnuteqartunut tamanut tusarniaaneq nassiunneqassaaq, tassanilu naatsorsuinerit akerliliissuteqarnissamut aalisartut periarfissaqassapput. Akerliliissuteqarnissamut piffissaliussaq naappat, tamatumunnga tunngavissaqarpata, Aalisarnermut Piniarnermullu Naalakkersuisoqarfik naatsorsueqqissaaq. Tamatuma kingorna aatsaat pisassiissutinik nammineq pigisassanik aammalu pisassanik aalisartunut PNNP-mut ikaarsaarnissamik qinnuteqarsimasunut agguaassisoqassaaq. Tamatuma saniatigut aalisartumut pisassiissutit nammineq pigisat tunniunneqartut tunngavigalugit naatsorsuisinnaanermut 2025-mut inaarutaasumik amerlassusiliineq sioqqullugu 2025-mut TAC-p pilersinneqarsimanissaa tunngaviuvoq.

Sullissivik.gl-mi qinnuteqarnermi suliamillu ingerlatsineri periaatsit annertunerusumik atuarneqarsinnaapput.

Inussiarnersumik Inuulluagguisillunga



Kim Kielsen
Aalisarnermut Piniarnermullu Naalakkersuisoq